

МЕСЯЦА ОКТЯБРЯ В 3-Й ДЕНЬ
СВЯТАГО СВЯЩЕННОМУЧЕНИКА
ДИОНИСИЯ АРЕОПАГИТА

На Господи, воззвах: стихиры на 6, глас 1.

Подобен: Небесных чинов:

Во внутреннейший мрак неприступнаго Света/ ты разумно вшед,/ навykl еси Божественная недоуменная Слова,/ учениче Христов, священне Дионисие,/ и Ангельския чины на земли/ явственнo изъяснил еси.

Трисиянную зарею просветив твою душу/ и огнем вещественным, изнуряющим тело,/ к невещественней преставился еси, отче, Светлости,/ со Ангелы совокупился еси:/ с нимиже молися непрестанно за нас/ спасти души наша.

Пастырски преизяществовав в Церкви Божией,/ сердце твое, отче,/ приятельно благодати Духа соделал еси./ Темже и нам источавши, яко воды,/ от честныя твоя раки всегда,/ Дионисие, исцеления.

Ины стихиры, глас тойже.

Подобен: Всехвальнии:

Удицею благодати, мудре,/ Павел Божественный, народовещав, улови священноявленна/ и неизреченных зрителя содела,/ тя, сосуд избранный, видев./ С нимже моли, благоглаголиве Дионисие/ спасти любовию поющия тя.

Ангелом равночестен ум, отче Дионисие,/ добродетели ради соделав,/ премирное священноначальства благочиние, всемудре,/ сих священноповествовал еси,/ имиже учинил еси Церковная составления,/ Небесным чином подобяся.

Любомудрейше Богу, блаженне Дионисие,/ яко мощно подобяся,/ именованій твое таинственнo Божественных/ благочестно распростерл еси/ Божественное, Богомудре, сказание,/ единением лучшим навycl, яже паче мысли,/ и научил еси мира концы.

Слава, глас 2. Андрея Иерусалимскаго:

Приидите, вернии,/ согласно летнюю память иерархов похвалим,/ Дионисия же и Киприана:/ ов бо оплевав стойков философов/ и сосудом избранным научився,/ неизреченных таин знатель бысть;/ ов же, добрыя ради девы Иустины, / помysl просветив, демонския прелести избеже/ и волшебныя книги огнем изжег,/ Евангельский проповедник бысть./ Тем и мы, грешнии,/ прославльшему сия Спасу славословяще, возопиим:/ Иже Твоя страсотерпцы славою венчавый, Христе Боже,/ тех молитвами спаси души наша.

И ныне, Богородичен.

Подобен: Егда от Древа:

Егда Нескверная Агница виде Своего Агнца,/ на заклание, яко человека, волею влекома, / плачущи, глаголаше:/ безчадствовати Мя ныне тщишися, Христе, Рождшую Тя,/ что сие сотворил еси, Избавителю всяческих;/ обаче воспеваю и славлю Твою, юже паче ума и слова,/ крайнюю благодать, Человеколюбче.

На стиховне Октоиха. Слава, глас 4:

Небеснаго знания невидимую глубину тебе наречем,/ светлейший мучениче Христов, / яко бо оружника/ и тверда поборника Церкви воспеваем тя, мудре:/ огнем бо чистейшим просиял еси,/ сподобився вкупе с Вышними воинствословии / светлую одежду облещися Христа/ и озарив ум светлостию Духа Святаго, Дионисие./ Тем твою всемирную память торжествуем верно,/ славяще прославльшаго тя Господа.

И ныне, Богородичен или Крестобогородичен:

Подобен: Яко добля:

Агнца и Пастыря, Тя на Древе яко виде,/ Агница рождшая рыдаше и матерски Ти вещаше:/ Сыне Возжеленне, како на Древе Крестнем повешен еси, Долготерпеливе?/ како руце и нозе Твои, Слове, пригвоздишася от беззаконных,/ и Кровь Твою изливал еси, Владыко?

Тропарь, глас 4:

Благости научився и трезвяся во всех,/ благою совестью священнолепно оболкся,/ почерпл еси от сосуда избраннаго неизреченная / и, веру соблюдо, равное течение совершил еси,/ священномучениче Дионисие,/ моли Христа Бога спастися душам нашим.

Слава, и ныне, Богородичен

Еже от века утаенное, и ангелом несведомое таинство: Тобою Богородице сущым на земли явися Бог, в неслитном соединении воплощаемь, и крест волею нас ради восприим, имже воскресив первозданнаго, спасе от смерти души наша..

НА УТРЕНИ

На Бог Господь: тропарь святого, дважды. Слава, и ныне, Богородичен или Крестобогородичен.

Оба канона Октоиха со ирмосом на 8 без мученичнов и святого на 6, егоже краегранесие: Ум хвалю мудрых учений. Феофан. Глас 8.

Песнь 1

Ирмос: Воду прошел, яко сушу, / и египетского зла избежав, / израильтянин вопияше: / Избавителю и Богу нашему поим.

Павлом Божественным научен, Небесных, Дионисие, видцем, / Небесный таинник абие и Боговещатель был еси.

Иже благодатию Божиею озарився,/ просвети, блаженне, поющих тя души/ твоя разумети Богодухновенная учения, Дионисие.

Умом преочищенным и душею/ Небесных удобрений сияния уведети сподобился еси/ и тех ликостояния, Дионисие.

Богородичен:

Чертог светоносный паче ума воплощения явилася еси всех Содетеля:/ из Тебе бо плоть, Богомати, нашу одеял есть.

Песнь 3

Ирмос: Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, / верных утверждение, / Едине Человеколюбче.

Небесных кругов превозшед, отче, премирных чины, и воинства, и светлости, / высоковещаньми словес и всемудрыми учении всем изъяснил еси.

Высокаго видения насыщся, преподобне,/ имен Божественных Божественное разумение Богословил еси,/ Троичный Богослов быв благодатию, Богоблаженне Дионисие.

Умертвився нынешним желанием, еже к Богу, / и любомудрию крепко научився,/ сущим паче ума животворным дарованием Богоносный орган, отче, был еси.

Богородичен:

Деянием, Дево, Вседетельнаго Духа,/ тело Владыце всех плодоносила еси,/ в Немже осудися мира грех и Жизнь источися вечнуюющая.

Седален, глас 8.

Подобен: Премудрости:

В пучине премудрости уча, Духа глубины,/ Троицы Едино Божество проповедал еси, преподобне,/ списав вся Ангельския чины и тайная тех сияния, Богомудре./ Тем и нижнюю иерархию счиняя, / ко единому вся возвел еси

единству, иерарше Дионисие./ Моли Христа Бога прегрешений оставление даровати/ чествующим любовью святую память твою.

Слава, и ныне, Богородичен:

Солнца облаче разумнаго,/ Божественнаго Света светильниче златокованный,
/ Нескверная, Неблазная, Всенепорочная Владычице,/ омраченную душу мою
ослеплением страстей/ безстрастия зарею просвети, молюся./ И оскверненное мое
сердце омой потоки умиления, покаяния же слезами, / и от тимения мя очисти
дел моих, да любовью зову Ти: / Богородице Приснодево, моли Христа Бога,
прегрешений оставление подати ми,/ Тебе бо имею надежду, раб Твой.

Крестобогородичен:

Агнца, и Пастыря, и Избавителя Агница зрящи на Кресте, восклицаше,
плачущи,/ и, горько рыдаючи, вопияше:/ мир убо радуется, приемляй Тобою
избавление,/ утроба же Моя горит, зрящи Твое распятие,/ еже терпиши за
милосердие милости./ Долготерпеливе Господи, милости бездно и источниче
неисчерпаемый./ умилосердися и даруй согрешений оставление/ верою поющим
Божественная Страсти Твоя.

Песнь 4

Ирмос: Ты моя крепость, Господи,/ Ты моя и сила,/ Ты мой Бог, Ты мое
радование,/ не оставь недра Отча/ и нашу нищету посетив./ Тем с пророком
Аввакумом зову Ти:/ силе Твоей слава, Человеколюбче.

Церковное благочиние украсил еси:/ в них бо, отче, живописал еси зрачныя
образы/ явственно священнописанием Безобразных сил;/ имиже тайноводятся и
просвещаются вся верных, Богомудре, соборы.

Струи твоего Богословия, Богоприятне, цветники напаяют словесныя,/
присноцветущия зело и насажденные на правости Богословия:/ единство бо
Существа в Трех Лицах, честное Единачалие проповедал еси.

Ангельскаго священноначальства сильное, святителю, желание и рачение,
еже к Богу,/ и неуклонное мание к высоте Божественней и непостижимей,/ научил
еси Богомудренно верою вопиющия:/ силе Твоей слава, Человеколюбче.

Богородичен: Священнодействитель спасения бысть Сын Твой всем поющим
Тя,/ и Наставник, и Просветитель, и Правда, Дево, и избавление./ Тем Тя,
Богородицу, истинно и господственно вернии единомудренно славим.

Песнь 5

Ирмос: Вскую мя отринул еси/ от лица Твоего, Свете незаходимый,/ и
покрыла мя есть чуждая тьма, окаяннаго,/ но обрати мя и к свету заповедей
Твоих/ пути моя направи, молюся.

Глагол твоих вещание, яко некий Небесный шум носимь,/ безбожныя разумы
огромии словом благодати/ и велений Божественных зарями светлейшими верных
сердца просвети.

Уподобился еси купцу, ищущему добрыя бисеры, всебогате,/ и обрел еси един бисер, истинно многоценен,/ и, удивлься его Боготворну световержению, святителю, Бога исповедал еси.

Источник мудрости, любомудрейше отче, возлюбил еси,/ и, тоя рачением и любовию одержимь, велик был еси,/ и реки Божественных велений всегда точиши, Богогласе.

Богородичен: Яко Обрадованная, добротворящее прияла еси благолепие,/ вся едином хотением Сотворшаго,/ и Божественною добротою и просвещением благоверия, Богомати, нас Удобрившаго.

Песнь 6

Ирмос: Очисти мя, Спасе,/ многа бо беззакония моя/ и из глубины зол возведи, молюся:/ к Тебе бо возопих и услыши мя, / Боже спасения моего.

Законно любомудрствуя, мудрости дар получил еси,/ Божественне Богословя Православныя догматы, всеблаженне, оставил еси,/ ихже наслаждающесе, вернии, тя блажим.

Разумом Боголепным, Богомудре, удобряем,/ Божественному учителю слух твой приклонил еси/ и премирную от Него мудрость навекл еси, Дионисие.

Житие твое чудно, слово же дивнейше,/ язык твой светозарен, уста огнедухновенна и духодвижима, / ум же твой испытен, отче, Богоблаженне.

Богородичен: Глас Ти Гавриилов радостно, Дево, взываем вернии,/ из Тебе бо неизреченно нам Живоначальный Творец изшел есть/ и примесися человеком, Человеколюбец.

Кондак, глас 8.

Подобен: Взбранной:

Небесная врата прошед духом яко ученик/ до третияго Небесе достигшаго апостола, Дионисие,/ неизреченных обогатился еси всяким разумом/ и озарил еси во тьме неведения сидящия./ Темже зовем:/ радуйся, отче всемирный.

Икос:

Ангел от человеков, добродетельми быв великий Дионисий,/ весь, яко крилат, навиче умом Небесныя разумы./ Тем песньми, яко Ангела, почтим, вопиюще к нему таковая:/ радуйся, уведевый Христа Павлом;/ радуйся, многия ко Христу обративый;/ радуйся, многобожия храмов губителю;/ радуйся, Богоразумнаго совета смотрение;/ радуйся, книго Богоначертанная тайных сокровищ;/ радуйся, скрижаль Богозрачная и зеркало Небесное;/ радуйся, яко Страсть Господню видел еси;/ радуйся, яко усердно Того ради закалаешися;/ радуйся, источниче, источая разум;/ радуйся, капле, угашающи безумие;/ радуйся, стезе неместная спасения;/ радуйся, преградо нечестивых прехода;/ радуйся, отче всемирный.

Песнь 7

Ирмос: Божия снисхождения/ огонь устыдися в Вавилоне иногда,/ сего ради отроцы в печи радованною ногою,/ яко во цветнице, ликующе, пояху:/ благословен еси, Боже отец наших.

Яко туча Небесная землю жаждущую,/ твоя учения верных сердца присно желающая умащают/ и насытно вопити научат:/ отец наших Боже, благословен еси.

Разумом Богомудренным безплотныя умы расписал еси/ и тех, преблаженне, песнословия, Божествен быв, Церковь пети наказал еси:/ благословен Бог отец наших.

Приятилище Духа Всесвятаго явился еси благоключимое/ и, Того вдохновения и явления пророчески провозглашая, мудре Дионисие, вопияше весело:/ благословен Бог отец наших.

Богородичен: Се ныне исполнися Исаии Богоглаголиваго проречение:/ Дева бо во чреве Бога Слова име/ и породила есть Жизнодавца, Емуже вси зовем:/ благословен Бог отец наших.

Песнь 8

Ирмос: Седмерицею пещь/ халдейский мучитель/ Богочестивым неистовно разжже,/ силою же лучшею спасены сия видеви,/ Творцу и Избавителю вопияше:/ отроцы, благословите,/ священницы, воспойте,/ людие, превозносите во вся веки.

Светел, яко зеркало, быв, Дионисие,/ и вместителен чистых явлений ум соделав,/ добродетелию, всебогате, лучи паче ума сияния приемля, вопиял еси:/ священницы, благословите, людие, превозносите во вся веки.

Обильнейшая благодать излилася во устнах твоих,/ тем Божественная учения предложил еси,/ и тех разумы паче смысла нам простирая и яснее и светло отверзая, верую поющим:/ священницы, благословите, людие, превозносите во вся веки.

Знаемейша бысть тобою, Дионисие, Афинская всеславная митрополия,/ Христу принесшая тя начаток всесвященный, Всецарю всегда поющи:/ отроцы, благословите, священницы, воспойте, людие, превозносите во вся веки.

Богородичен: Мати Божия Всенепорочная, души моя струпы и греховныя язвы потреби:/ Сына бо родила еси, власть имущаго/ связанная пленицами греховными удобь ослабити от уз нерешимых,/ Единого Благодетеля и Единого Жизнодавца.

Песнь 9

Ирмос: Ужасеся о сем Небо, / и земли удивися концы, / яко Бог явися человеком плотски, / и чрево Твое бысть пространнейшее небес: / тем Тя, Богородицу, / Ангелов и человек чиноначалия величают.

Святых апостол сподобился еси видитель быти / и сострадаец, и сообщник был еси славы, / и с теми на видение потщался еси телесе / истинно Живоначальныя Единыя Богородицы и Честнейшия, / Юже достойно величаем.

Божественнаго Царствия на Небесех наследник был еси яко законен архиерей, отче, / яко непобедимь страдалец священства мастию кровь срастворил еси мученическую. / Тем сугубым венцем сподобился еси достойно, священнотаинниче Дионисие.

Яко имея дерзновение ко Христу, иерарше, мудре Дионисие, / всегда моли избавитися от искушения благочестно поющим тя, / учениче неизреченных видений, яко тайноученныя и Богоначальныя священноявленник благодати.

Богородичен: Победившу ереси храбрски, честную Церковь яви, / юже Христос честною Своею Кровию яко Благ стяжа, Обрадованная, Сын Твой истинно, / и спаси от бед и от обстояния, одержащего нас, Владычице.

Светилен.

Подобен: Учеником зрящим:

Добродетельми восходя, возвысився на Небеса, Богоприятне, / и познал еси Ангелов чины, и всех Вышних стояния, / и Трисолнечную зарю, навек от Павла.

Богородичен:

Иже жизни Божественней и блаженней / позавидев ми древле в раи, / враг прелукавый и злокозненный, и от Едема изгнав мя, / умерщвляется Рождеством Твоим, Богородице.

На стиховне Октоиха. Слава, святого, глас 8.

Германово:

Во святителех и мученицех, / преизяществовав, преподобне, / верен явился еси пастырь, / и, Христову испив чашу, / тем во обоих благоугодив Тому, / молися о всех нас, / с Горними служителями во Свете ныне водворяемый.

И ныне, Богородичен или Крестобогородичен.

Подобен: Мученицы:

Юница Нескверная, / Юнца видящи на Древе пригвождаема волею, / рыдаючи жалостне: / увы Мне, вопияше, Любимейшее Чадо, / Что Ти сонм воздаде безблагодатный еврейский, / хотя Мя обезчадствовати от Тебе, Вселюбезне.

На Литургии

Блаженны Октоиха на 4 и святого песнь 3-я на 6.

1. **Небесных** кругов превозшед, отче, премирных чины, и воинства, и светлости, / высоковещаньми словес и всемудрыми учении всем изъяснил еси.
2. **Высокаго** видения насыщся, преподобне,/ имен Божественных Божественное разумение Богословил еси,/ Троичный Богослов быв благодатию, Богоблаженне Дионисие.
3. **Умертвився** нынешним желанием, еже к Богу, / и любомудрию крепко научився,/ сущим паче ума животворным дарованием Богоносный орган, отче, был еси.
4. **Законно** любомудрствуя, мудрости дар получил еси,/ Божественне Богослова Православныя догматы, всеблаженне, оставил еси,/ ихже наслаждающесе, вернии, тя блажим.
5. **Разумом** Боголепным, Богомудре, удобряем,/ Божественному учителю слух твой приклонил еси/ и премирную от Него мудрость навекл еси, Дионисие.
6. **Житие** твое чудно, слово же дивнейше,/ язык твой светозарен, уста огнедухновенна и духодвижима, / ум же твой испытен, отче, Богоблаженне.

Тропарь, глас 4:

Благости научився и трезвяся во всех,/ благою совестью священнолепно оболкся,/ почерпл еси от сосуда избраннаго неизреченная / и, веру соблюд, равное течение совершил еси,/ священномучениче Дионисие,/ моли Христа Бога спастися душам нашим.

Кондак, глас 8.

Подобен: Взбранной:

Небесная врата прошед духом яко ученик/ до третияго Небесе достигшаго апостола, Дионисие,/ неизреченных обогатился еси всяким разумом/ и озарил еси во тьме неведения седящия./ Темже зовем:/ радуйся, отче всемирный.

Прокимен, глас 7:

Прокимен: Восхваляѣтсѣ преподобнии во славе^а и возрадуютсѣ на ложах своих.

Стих: В оспойте Господеви песнь новѣ, хваление Его в церкви преподобных.

Апостол Деяний, зачало 40, от полу. [Деян. 17, 16—34.]

Во аѳинѣхъ же ждѹщѹ ѿ хъ панаѳ, раздражашесѧ дѹхъ єгѡ въ нѣмъ зрѹщемъ їдѡмъ поанъ сѡщъ градъ. **С**тазашесѧ же ѹбо на сонмищи со їдѣи и съ честивыми, и на торжищи по всѧ дни съ приключѹющимисѧ. **Н**ѣцыи же ѿ єпѣкѡръ и ѿ стѡѣтъ фѣлосѡфъ стазѹхѹсѧ съ нимъ: и нѣцыи глаголахѹ: что ѹбо хѡщетъ сѣслобивый сѣѣ глаголати; **И**ніи же: чѹждѣхъ богѡвъ мнѣтсѧ проповѣдникъ быти: ѿкѡ їиса и воскрѣніе благовѣствоваше ѿмъ. **П**оемше же єгѡ, ведѡша на ареопѡгъ, глаголюще: мѡжемъ ли раздѣлѣти, что нѡвое сѣѣ глаголемое тобою ѹчѣніе; странна бо нѣкаѧ влагѣши во ѹшесѧ наша: хѡщемъ ѹбо раздѣлѣти, что хотѣтъ сѣѧ быти; **А**ѳинее же вси и приходѡщѣи страннѣи ни во чтоже ѿно ѹпражнѡхѹсѧ, рѡзвѣ глаголати что ѿли слышати нѡвое. **С**таѡвъ же панаѳъ посредеѣ ареопѡга, рече: мѡжѣте аѳинейстѣи, по всемѹ зрѹю въ ѿки благочестивыѧ: прохѡдѡ во и соглѡдаѧ чествованѣѧ ваша, ѡбрътѡхъ и капище, на нѣмже вѣѣ написано: невѣдомѡмѹ бѣѹ. єгѡже ѹбо не вѣдѡще (благолѣпнѣѣ) чтетѣ, сегѡ ѿзъ проповѣдѹю вамъ. **Б**гъ сотворивый мѣръ и всѧ, ѿже въ нѣмъ, сѣѣ нѣсе и земли гдѣ сѣѣ, не въ рѡкотворѣнныхъ храмѣхъ живѣтъ, ни ѿ рѡкъ челоѡвѣческихъ ѹгождѣнѣѧ прѣѣмлетъ, трѣѡѡа что, самъ даѡ всѣмъ живѡтъ и дыханѣи и всѧ: сотворилъ же єсть ѿ єдиныѧ крове вѣсѣ ѡзыкъ челоѡвѣчъ, жити по всемѹ лицѹ земнѡмѹ, ѹстаѡвивъ прѣдѡчинѣнаѧ времена и прѣдѣлы селѣнѣѧ ѿ хъ, взыскѡти гдѡ, да понѣ ѡсѡждѣтъ єгѡ и ѡбръщѣтъ, ѿкѡ не даѣче ѿ єдинагѡ коєѡждѡ насъ сѡща: ѡ нѣмъ бо живѣмъ и двѣжемсѧ и єсмѣ, ѿкоже и нѣцыи ѿ вашихъ книжникъ рекѡша: сегѡ во и рѡдъ єсмѣ. **Р**ѡдъ ѹбо сѡще бжѣѣ, не дѡжни єсмѣ непщевѡти подѡбно быти бжѣтѡ злѡтъ, ѿли сребрѹ, ѿли каменю хѹдѡбнѣ начертѡнѹ, и смышлѣнѣю челоѡвѣчѹ: лѣѡта ѹбо невѣдѣнѣѧ презирѡѧ бгъ, нѣѣ повелѣѡетъ челоѡвѣкѡмъ всѣмъ всѡдѹ покѡлѣтисѧ: занѣ ѹстаѡвилъ єсть дѣнь, въ ѡньже хѡщетъ сѡдѣти вселѣннѣѣ въ прѡвдѣ, ѡ мѡжи, єгѡже прѣдѡстаѡи, вѣрѹ подаѡ всѣмъ, воскрѣивъ єгѡ ѿ мѣртѡвѹхъ. **С**лышавше же воскрѣніе мѣртѡвѹхъ, ѡѡи ѹѡѡ рѡгѡхѹсѧ, ѡѡи же рѣша: да слышимъ тѡ паки ѡ сѣмѣ. **И** тѡкѡ панаѳъ ѡзыде ѿ среды ѿ хъ. **Н**ѣцыи же мѡжѣе прилѣпѣвшесѧ ємѹ, вѣрѡваша: въ нѣхже вѣѣ и дѣѡнѣсѣѣѣ ареопѡгѣтскѣѣ, и женѡ ѿменемъ дамѡрь, и дрѡзѣи съ нимѣ.

Аллилуия, глас 4: Сѣѣннѣѣ твоѣѣ ѡблекѡтсѧ прѡвдѡю, и прѣѡвнѣи твоѣѣ возрѡдѡтсѧ.

Стих: ѿкѡ ѡзѡрѡ гдѣ сѣѡна, ѡзѡли ѿ въ жилище сѡѡѣ.

Рече Господь притчѣ сию: **П**аки подобно єсть црѣтвїе нѣное сокровищѣ сокровѣнѣ на селѣ, єже ѡврѣтѣтъ челоуѣкъ скрѣи, и ѡ радости єгѡ ѡдетѣ, и всѣ, єлика ѡмать, продаѣтъ, и кѡпѣтъ село то. **П**аки подобно єсть црѣтвїе нѣное челоуѣкъ кѡпѣ, ѡцѣщѣ добрыхъ вѣсерей, ѡже ѡврѣтѣтъ єдинѣ многоцѣненѣ вѣсерѣ, шѣдѣ продадѣ всѣ, єлика ѡмашѣ, и кѡпѣ єгѡ. **П**аки подобно єсть црѣтвїе нѣное нѣводѣ вверженѣ въ море и ѡ всѣкаго рода собравшѣ, ѡже єгда ѡсполнисѣ, ѡзвлекѡша ѡ на край, и сѣдѣ ѡзбраша добрыѣ въ сосѣды, а злыѣ ѡзвергѡша вѡнѣ. **Т**акѡ вѣдетѣ въ скончанїе вѣка: ѡзыдѣтъ ѡгнѣи, и ѡмѣчатѣ злыѣ ѡ средѣ прѣвнѣхъ, и ввергѣтъ ѡхъ въ пѣщѣ ѡгненнѣю: тѣ вѣдетѣ плачѣ и скрѣжетѣ зѣвѡмѣ. **Г**ла ѡмѣи ѡисѣ: раздѣстѣ ли сѣ всѣ; **Г**лаголаша ємѣ: єй, гдѣи. **О**нѣ же рече ѡмѣи: сего ради всѣкъ книжникѣ, начѣвша црѣтвїю нѣномѣ, подобенѣ єсть челоуѣкъ домовїтѣ, ѡже ѡноситѣ ѡ сокровища своегѡ нѡвалѣ и вѣтѣхѣ. **И** вѣсть, єгда скончѣ ѡисѣ прѣтчи сѣ, прѣйде ѡтѣдѣ. **И** прѣдѣ во ѡтѣчѣствїе своѣ, ѡчѣашѣ ѡхъ на сонницѣи ѡхъ, ѡкѡ двѣтисѣ ѡмѣи и глаголати: ѡкѣдѣ семѣ прѣмѣрѣсть сѣ и сѣиы;

Причастен: **В** память вѣнѣю вѣдет праведник, от сѣдѣ зла не ѡвѡтсѣ.